



Na osnovu člana 239. stav (1) Zakona o upravnom postupku („Službeni glasnik BiH“, br. 29/02, 12/04 i 88/07) i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 50/07), Centralna izborna komisija Bosne i Hercegovine, po službenoj dužnosti je na 83. sjednici održanoj 20.11.2008. godine, donijela

ZAKLJUČAK o obnovi upravnog postupka

- (1) Dozvoljava se obnova postupka, koji je okončan Odlukom Centralne izborne komisije Bosne i Hercegovine o potvrđivanju rezultata Lokalnih izbora 2008. godine broj: 01-07-1-3324/08 od 04.11.2008. godine.
- (2) U obnovljenom postupku će se upotrijebiti nova činjenica u vezi dobijenog broja glasova za Marčeta Radmilu, kandidata Socijalističke partije za izborni nivo Općine Drvar/Istočni Drvar za skupštinu općine, za koju je Centralna izborna komisija Bosne i Hercegovine saznala nakon postupka okončanog Odlukom Centralne izborne komisije Bosne i Hercegovine o potvrđivanju rezultata Lokalnih izbora 2008. godine broj: 01-07-1-3324/08 od 04.11.2008. godine.
- (3) Do okončanja obnovljenog postupka odlaže se izvršenje navedene Odluke u dijelu koji se odnosi na Izvještaj o rezultatima glasanja za izborni nivo Općine Drvar/Istočni Drvar za skupštinu općine sa raspodjeljenim mandatima i imenima kandidata unutar političke stranke Socijalističke partije.

Obrazloženje

Nakon postupka okončanog Odlukom o potvrđivanju rezultata Lokalnih izbora 2008. godine broj: 01-07-1-3324/08 od 04.11.2008. godine, Centralna izborna komisija Bosne i Hercegovine je saznala da je Marčeta Radmila, kandidat Socijalističke partije za izborni nivo Općine Drvar/Istočni Drvar za skupštinu općine dobila ukupno 33 glasa.

Naime, ova nova činjenica, u smislu člana 238. stav (1) tačka 1) Zakona o upravnom postupku, mogla je dovesti do drugačije Odluke Centralne izborne komisije Bosne i Hercegovine o potvrđivanju rezultata Lokalnih izbora 2008. godine broj: 01-07-1-3324/08 od 04.11.2008. godine u dijelu koji se odnosi na redoslijed kandidata Socijalističke partije, za izborni nivo Općine Drvar/Istočni Drvar za skupštinu općine u Izvještaju

Shodno izloženom, Centralna izborna komisija Bosne i Hercegovine je, u skladu sa članom 239. stav (1) Zakona o upravnom postupku, riješila je kao u dispozitivu ovog Zaključka.

Ovaj Zaključak stupa na snagu danom donošenja i objavit će se 28.11.2008. godine na web stranici Centralne izborne komisije Bosne i Hercegovine www.izbori.ba, te će se smatrati da je danom objavljivanja isti dostavljen svim učesnicima u izbornom procesu.

PRAVNA POUKA: Protiv ovog Zaključka, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ovog Zaključka. Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Mula Mustafe Bašeskije broj 6, Sarajevo, ili putem faks aparata na broj 033/251-329 ili 033/251-310.

Broj: 06-1-07-1-3531/08
Sarajevo, 20.11.2008. godine

Predsjednik
Dr. Štaf Arnautović